



謹案九江府西為瑞昌縣水程至府一百肆拾里由九江龍關河口東至德化界出城五里即德化之南  
 昌鄉西南至武甯界南至德安界西北至湖北興國州界北至湖北廣濟界瑞昌分口設立縣治其北  
 封家碼頭子口距分口陸程四十里瀕臨長江與湖北廣濟之武穴鎮隔江對峙水程至九江府九十  
 里由二套口進口洶出江入鄂之要衝但沿江上下支路極多碼頭以上四里為密灣密灣以上四里為  
 黃沙黃沙以上四里為下巢湖該處即係湖北興國州所轄碼頭以下十里為泥灣埠設有茶行六  
 家泥灣埠十里以下為城子鎮再下則為港口官排夾均係德化所轄此碼頭子口之形勢也若夫瑞  
 昌分口則枕山瀕水四面紛歧堵截甚難繞越最易縣南五里為鄧家埠再上二十里為范家鋪  
 該二處均係至吳城要道每屆苾蔴上市而捷足先得者徒大都由此二處繞越前往現經遊派  
 巡勇分頭堵截繞越之風稍息此瑞昌分口之情形也此外並無設有子口及查驗所名目理合登明

委辦瑞昌分口委員李德利謹呈

